



## **ADDENDA AO CONVENIO TRIANUAL DE COLABORACIÓN ENTRE A SECRETARÍA XERAL PARA O DEPORTE E A FEDERACIÓN GALEGA DE TRIATLÓN E PÉNTATLON MODERNO PARA A REALIZACIÓN DO PROGRAMA DE PROMOCIÓN E DESENVOLVEMENTO DA SÚA MODALIDADE DEPORTIVA PARA OS ANOS 2014, 2015 E 2016**


En Santiago de Compostela, 12 de xuño de 2015.

**DUNHA PARTE**, José Ramón Lete Lasa, secretario xeral para o Deporte da Xunta de Galicia, en uso das competencias que lle outorga o Decreto 12/2012, do 4 de xaneiro polo que se establecen os órganos superiores e de dirección dependentes da Presidencia da Xunta de Galicia.

**DOUTRA PARTE**, Óscar José Surís Regueiro, presidente da Federación Galega de Triatlón e Péntatlon, en nome e representación da mesma, en exercicio das facultades atribuídas ó efecto polos estatutos federativos.

Ambas partes recoñécense con capacidade para formalizar a presente addenda ao convenio de colaboración suscrito con data 19 de marzo de 2014 que establece para os anos 2014, 2015 e 2016 as bases de colaboración deportiva e económica entre a Secretaría Xeral para o Deporte e a Federación Galega de Triatlón e Péntatlon Moderno e a estes efectos,

### **EXPOÑEN**



**1.-** Coa finalidade de atender a promoción e fomento do deporte federado da súa modalidade na Comunidade autónoma galega, a Secretaría Xeral para o Deporte asinou, con data 19 de marzo de 2014, un convenio de colaboración coa Federación Galega de Triatlón e Péntatlon Moderno por importe total de catrocentos vinte e dous mil cincocentos dous euros (422.502,00 €) coa seguinte distribución entre anos e por programas:



PROGRAMAS	2014	2015	2016
<b>Gastos Xerais de Funcionamento</b>	<b>26.758 €</b>	<b>26.758 €</b>	<b>26.758 €</b>
<b>Actividade Deportiva e Competitiva Ordinaria</b>	<b>46.475 €</b>	<b>46.475 €</b>	<b>46.475 €</b>
<b>Programa de Tecnificación e Rendemento Programa Río 2016</b>	<b>25.601 €</b>	<b>25.601 €</b>	<b>25.601 €</b>
<b>Grupo Especial de Alto Rendemento – Programa Río 2016</b>	<b>30.000 €</b>	<b>30.000 €</b>	<b>30.000 €</b>
<b>Actividade deportiva en Idade Escolar</b>	<b>0 €</b>	<b>0 €</b>	<b>0 €</b>
<b>Outros proxectos de especial relevancia</b>			
Campionato de España de Dúatlon	1.000 €	1.000 €	1.000 €
Campionato de España de Triatlón escolar	6.000 €	6.000 €	6.000 €
Campionato do mundo de Triatlón	5.000 €	5.000 €	5.000 €
<b>TOTAL:</b>	<b>140.834 €</b>	<b>140.834 €</b>	<b>140.834 €</b>

A cláusula novena do Convenio de Colaboración prevé a creación dunha comisión integrada por dous representantes de cada unha das partes asinantes do convenio (Secretaría Xeral para o Deporte e federación galega) coa finalidade de efectuar un seguimento do grao de execución dos programas previstos no convenio e a solución de controversias que a súa interpretación poida motivar.

Esta comisión constituíuse con data 5 de febreiro de 2015 e tal e como consta na acta asinada por Laura María Mosquera Escudero, subdirectora xeral de plans e programas e Elena Fernández Rodríguez, directora do Centro Galego de Tecnificación Deportiva, en representación da Xunta de Galicia e Oscar José Surís Regueiro, presidente e Luis Piña director técnico, en representación da Federación Galega de Triatlón, quedou informada de que por motivos de cambios nos eventos deportivos a organizar por parte da Federación Galega de Triatlón e Péntatlon Moderno durante o ano 2015 e 2016 a Secretaría Xeral para o Deporte vese obrigada a facer unha modificación do importe do convenio que supón unha diminución de 9.000 € sobre o importe orixinalmente asinado.

Sen prexuízo do anteriormente exposto, a Secretaría xeral para o Deporte, establece a necesidade de incorporar unhas modificacións no texto do convenio sen que isto altere o obxecto do convenio.



A tal efecto, as partes subscriben a presente addenda que se suxeitará as seguintes

### CLÁUSULAS

**Primeira.-** Acórdase reestruturar o cadro de financiamento que figura no convenio como anexo I co seguinte detalle:

PROGRAMAS	2015	PROGRAMAS	2016
Gastos Xerais de Funcionamento	32.958 €	Gastos Xerais de Funcionamento	26.758 €
Actividade Deportiva e Competitiva Ordinaria	40.275 €	Actividade Deportiva e Competitiva Ordinaria	46.475 €
Programa de Tecnificación e Rendemento	25.601,00 €	Programa de Tecnificación e Rendemento Programa Río 2016	25.601 €
Grupo Especial de Alto Rendemento – Programa Río 2016	30.000,00 €	Grupo Especial de Alto Rendemento – Programa Río 2016	30.000 €
Outros proxectos de especial relevancia -Campionato de España de Tríatlon sprint -Campionato de Europa cadete de Péntatlon Moderno	3.000 €	Outros proxectos de especial relevancia -Campionato de España de Dúatlon -Campionato de España de Tríatlon escolar -Campionato do mundo de Tríatlon	1.000 € 6.000 € 5.000 €
<b>TOTAL:</b>	<b>131.834 €</b>	<b>TOTAL:</b>	<b>140.834</b>

**Segunda.-** Incorpórase na cláusula número catro do convenio as seguintes obrigas da Federación:

4.3. Con anterioridade ao primeiro dos pagos da presente subvención, a Federación dará cumprimento ao establecido na Lei 19/2013, de 9 de decembro, de transparencia, acceso á información pública e bo goberno, a través da inclusión da información na web federativa, no caso de que esta federación deportiva estea suxeita ao establecido no articulo 3 b) da devandita lei, recibindo durante o período dun ano axudas ou subvencións públicas nunha contía superior a 100.000 euros o cando menos o 40% do total dos seus ingresos anuais teñan carácter de axuda ou subvención



pública sempre que alcancen como mínimo a cantidade de 5.000 euros (Anexo VI)

4.4. Deberán velar pola igualdade efectiva entre mulleres e homes así como cumprir o establecido na lei 197/2007 do 11 de xullo contra a violencia, o racismo, a xenofobia e a intolerancia no deporte.

4.5. Deberán colaborar, fomentar y facilitar a participación no deporte das persoas con alguna discapacidade, tal e como se establece no artigo 51 da lei 3/2012 do Deporte de Galicia.

**Terceira.- Incorpórase na cláusula quinta do convenio o seguinte apartado:**

5.1 c) Tendo en conta a modificación existente no importe total da subvención do ano 2015, o axuste da contía a percibir por parte da federación neste ano farase no segundo dos pagos, de forma que se aboará a diferenza entre o cobrado no primeiro anticipo e a nova contía total da subvención que figura no novo Anexo I para o ano 2015.

**Cuarta.-** Incorpórase na cláusula sexta do convenio, xustificación da subvención, as seguintes alíneas:

6.6. No caso de asinar a Federación un convenio de colaboración con algún club deportivo para que desenvolva ou organice actividades deportivas ou competitivas, deberá achegarse dito convenio así como a relación de facturas xustificativas (ou certificación de gastos por parte da entidade), abonadas polo club, con xustificación bancaria de que os pagamentos estean realizados cos requisitos esixidos no artigo 42.2 do regulamento de subvencións de Galicia.

6.7. No caso de facturas que superen o importe de 9.000€, deberán achegarse al menos tres orzamentos de tres empresas diferentes e a xustificación da empresa elixida. Os orzamentos deberán solicitarse, e estar datados, con fecha anterior á contratación pola federación.

**Quinta.-** Incorpóranse na cláusula sétima do convenio, gastos subvencionables, as seguintes modificacións:

Os gastos xustificados neste novo programa farán referencia ao grupo de deportistas vinculados ao mesmo, comprendéndose os seguintes gastos:

- a. Persoal técnico deportivo (salarios, IRPF, Seguridade Social):  
Director técnico, adestradores, e outros profesionais de apoio





que axuden á mellora do rendemento deportivo (fisioterapeuta, psicólogo, masaxista, nutricionista, etc).

- b. Gastos de aloxamento e manutención dos deportistas incluídos no programa: aluguer, mantemento, consumos auga, electricidade e gas.
- c. Material deportivo (non inventariable) e roupa deportiva do grupo de deportistas incluídos no programa.
- d. Gastos de desprazamento e manutención das concentracións, adestramentos e competicións.
- e. Gastos de combustible derivados dos desprazamentos relacionados coa práctica deportiva.

**Sexta.-** Incorpórase na cláusula oitava do convenio, gastos non subvencionables, as seguintes alíneas:

- g) Os premios en metálico ou obsequios a deportistas.
- h) As axudas económicas a deportistas. Poderanse excepcional aquelas autorizadas por esta Secretaría Xeral previa solicitude e entrega por parte da federación do obxecto da axuda así como dos criterios e baremos aplicables para a súa concesión. Estas axudas deberán ser de igual contía para homes que para mulleres nos mesmos niveis deportivos.
- i) As axudas económicas a entidades. Poderanse excepcional aquelas autorizadas por esta Secretaría Xeral previa solicitude e entrega por parte da federación do obxecto da axuda así como dos criterios e baremos aplicables para a súa concesión.

**Sétima.-** Incorpórase o anexo VI coa certificación de cumprimento coa Lei 3 19/2013 de 9 de decembro, de transparencia, acceso á información pública e bo goberno da federación.



## ANEXO VI

Don/Dona

Secretario/a da Federación Galega de \_\_\_\_\_

**CERTIFICA:**

Que segundo o establecido na Lei 19/2013, de 9 de decembro, de transparencia, acceso á información pública e bo goberno, a través da inclusión da información na web federativa, esta federación deportiva;

SI  NO

está suxeita ao establecido no artigo 3 b) da devandita lei,

recibindo durante o período do ano 2014, axudas ou subvencións públicas nunha contía superior a 100.000 euros

ou cando menos o 40% do total dos seus ingresos anuais teñan carácter de axuda ou subvención pública sempre que alcancen como mínimo a cantidade de 5.000 euros.

E para que conste, expido o presente certificado,

En \_\_\_\_\_ a \_\_\_\_\_ de \_\_\_\_\_ de 2015

O Secretario

Visto e prace,  
O Presidente

En proba de canto antecede, as partes que interveñen asinan a presente addenda no lugar e data reseñado no encabezamento.

**O secretario xeral para o Deporte**

**José Ramón Lete Lasa**

**O presidente da Federación Galega de Triatlón e Pénatlon Moderno**

**Óscar José Surís Regueiro**

